

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), a u vezi sa članom 38. stav 2. Zakona o izvršenju Budžeta Tuzlanskog kantona za 2013. godinu („Službene novine Tuzlanskog kantona“, br. 7/13 i 11/13), na prijedlog Ministarstva trgovine, turizma i saobraćaja Tuzlanskog kantona Vlada Tuzlanskog kantona, na sjednici održanoj dana 12.09.2013. godine, d o n o s i

ODLUKU

o utvrđivanju kriterija, uslova i postupka za dodjelu bespovratnih sredstava na ime Tekući transferi drugim nivoima vlasti, neprofitnim organizacijama i subvencije javnim preduzećima - potrošačka jedinica 22010001 u 2013. godini

I

(Predmet)

Ovom odlukom utvrđuju se korisnici, namjena, kriteriji, uslovi i postupak za dodjelu bespovratnih sredstava planiranih u Budžetu Tuzlanskog kantona za 2013. godinu pod stavkom Tekući transferi drugim nivoima vlasti, neprofitnim organizacijama i subvencije javnim preduzećima – potrošačka jedinica 22010001.

II

(Ciljevi dodjele sredstava)

Ministarstvo trgovine, turizma i saobraćaja (u daljem tekstu: Ministarstvo) dodjeljuje bespovratna novčana sredstva na osnovu ove Odluke s ciljem poticanja razvoja i unapređenja turističke ponude Tuzlanskog kantona kroz organizaciju kulturnih, gastronomskih, enoloških, zabavnih, sportskih i drugih manifestacija kao glavnog motiva dolaska u turističku destinaciju, te u cilju povećanja ugostiteljskog i drugog turističkog prometa.

III

(Korisnici sredstava)

Sredstva su namijenjena organizatorima manifestacija:

- jedinicama lokalne samouprave,
- udruženjima,
- pravnim i fizičkim licima i
- javnim ustanovama.

IV

(Iznos sredstava)

Najveći iznos bespovratnih sredstava koji se može odobriti je do 30% opravdanih/prihvatljivih troškova manifestacije.

V

(Namjena sredstava)

Bespovratna sredstva mogu se koristiti isključivo za manifestacije koje se održavaju u 2013. godini.

Sredstva su namijenjena za sufinansiranje troškova neposredne realizacije manifestacija koje imaju međunarodni, regionalni, državni i kantonalni značaj i koje doprinose razvoju turističke ponude destinacije.

VI (Prihvatljivost troškova)

Bespovratna sredstva mogu se koristiti za:

- najam opreme (audio i vizualna tehnika, pozornica i sl.),
- najam prostora za održavanje manifestacije,
- najam prijevoznih sredstava u svrhu prijevoza organizatora i izvođača vezanih uz organizaciju manifestacije,
- troškovi smještaja izvođača i vanjskih saradnika na osnovu ugovora sa smještajnim objektom,
- troškovi promocije manifestacije i
- drugi opravdani troškovi neposredne organizacije manifestacije.

Bespovratna sredstva ne mogu se koristiti za:

- troškove redovnog poslovanja organizatora manifestacije (plaće i ostala primanja zaposlenih, troškove prijevoza i putovanja zaposlenih, studijska putovanja, pokriće gubitaka, poreze i doprinose, otplatu kredita, carinske i uvozne pristojbe ili bilo koje druge naknade),
- izradu studija, elaborata, projektne i druge dokumentacije,
- najam i kupnju vozila za redovno poslovanje organizatora manifestacije,
- troškove uredskog poslovanja organizatora i
- za sve druge troškove koji nisu vezani za realizaciju prijavljenog projekta.

VII (Podnošenje zahtjeva i neophodna dokumentacija)

Organizatori manifestacija prijavljuju projekte podnoseći zahtjev za dodjelu bespovratnih sredstava i u prilogu dostavljaju traženu dokumentaciju.

Zahtjev za dodjelu bespovratnih sredstava s prilogima dostavlja se u roku od 30 dana od dana objave ove Odluke na web stranici Ministarstva i Vlade Tuzlanskog kantona, poštom preporučeno ili lično, putem centralne pisarnice, u zatvorenoj omotnici na adresu Ministarstva.

Uz zahtjev se obavezno prilaže sljedeća dokumentacija:

1. opis projekta,
2. troškovnik manifestacije i finansijski plan s izvorima sredstava,
3. dokaz o pravnom statusu organizatora manifestacije,
4. potvrda nadležne Porezne uprave o nepostojanju duga prema državi (ne starija od mjesec dana od dana podnošenja zahtjeva) i
5. izjava podnosioca zahtjeva o korištenim finansijskim dotacijama Vlade Tuzlanskog kantona u razdoblju od tri godine s podacima o programima odnosno projektima u okviru kojih su odobrene dotacije.

Ministarstvo zadržava pravo od predlagatelja zatražiti dodatna pojašnjenja zahtjeva.

VIII

(Zahtjevi koji se neće razmatrati)

Ministarstvo neće razmatrati zahtjeve :

- s nepotpunim podacima i nepotpunom dokumentacijom (prijave u kojima se ne dostave podaci svih kriterija za ocjenu projekta neće se uzeti u razmatranje),
- zahtjevi subjekata koji ne mogu biti Korisnici ovih sredstava i
- zahtjevi subjekata koji u prethodne tri godine nisu izvršili ugovorne obaveze prema Ministarstvu ili su nenamjenski trošili prethodno dodijeljena bespovratna sredstva.

IX

(Kriteriji za ocjenu projekata)

Kriteriji za ocjenu projekata su:

1. karakter manifestacije (međunarodni, regionalni, državni, kantonalni)
2. dodatni turistički sadržaji i popratna događanja manifestacije (zabavni/kulturni/sadržaji za djecu i mlade/eno/gastro i sl.),
3. broj posjetitelja/medijska pokrivenost (ocjena medijske pokrivenosti na značajnim turističkim tržištima te procjena broja posjetitelja manifestacije i utjecaja na ukupnu posjećenost turističke destinacije),
4. mjesto i vrijeme održavanja (ruralna, urbana područja),
5. trajanje manifestacije (jedan, dva ili više dana),
6. sudjelovanje drugih subjekata u organizaciji i financiranju manifestacije,
7. sociokulturni učinci (doprinos kulturnom i društvenom životu mjesta) i
8. ekonomsko-turistički učinci mjereni procjenom prosječne potrošnje posjetitelja.

X

(Odobranje projekata)

Ministar trgovine, turizma i saobraćaja, na osnovu prijedloga odjeljenja turizma, donosi Odluku o odobravanju zahtjeva/projekta, kojom će se između ostalog definisati i međusobna prava i obaveze i nadzor namjenskog korištenja sredstava.

Odluka o odobravanju zahtjeva/projekata i dodjeli bespovratnih sredstava donijet će se najkasnije u roku od 15 dana nakon isteka roka iz tačke VII ove odluke.

XI

(Nadzor)

Ministarstvo obavlja nadzor nad namjenskim korištenjem sredstava putem pisanog izvještaja s pratećom dokumentacijom (dokazima o korištenju sredstava) koje korisnik sredstava u ugovorenom roku dostavlja Ministarstvu.

Po potrebi, obavlja se i dodatni nadzor ličnim uvidom kod korisnika sredstava.

U slučaju utvrđivanja objektivnih okolnosti koje su uticale na nemogućnost ispunjenja obaveza koje proizlaze iz odluke o dodjeli sredstava i predloženog programa utroška, korisnik sredstava je dužan odmah o tome obavijestiti Ministarstvo pismenim putem.

U slučaju utvrđivanja nepravilnosti u korištenju odobrenih sredstava, Ministarstvo donosi odluku o povratu sredstava, a korisnik je dužan vratiti ista u roku 15 dana od zaprimanja takve odluke.

XII

(Obaveze korisnika sredstava)

Korisnik sredstava ima obavezu:

- bespovratna sredstva iskoristiti namjenski,
- Ministarstvu dostaviti financijski izvještaj o korištenju sredstava s pratećom dokumentacijom koja potvrđuje navode iz izvještaja (kopije računa i ugovora za troškove nabave roba odnosno usluga, fotografije izvršenih radova i drugu dokumentaciju u skladu sa sadržajem projekta i ugovora) i
- na zahtjev Ministarstva pružiti na uvid i dodatnu naknadno traženu dokumentaciju.

XIII

(Provođenje odluke)

Za sprovođenje odluke zadužuje se Ministarstvo trgovine, turizma i saobraćaja Tuzlanskog kantona, a za realizaciju transfera/isplate odobrenih sredstava korisnicima zadužuje se Ministarstvo finansija Tuzlanskog kantona.

XIV

(Završne odredbe)

Odluka stupa na snagu danom donošenja i biće objavljena u “Službenim novinama Tuzlanskog kantona”.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

PREMIJER KANTONA

Sead Čaušević

Broj: 02/1-14-19300/13
Tuzla, 12.09.2013. godine

Bosna i Hercegovina
Federacija Bosne i Hercegovine
Tuzlanski kanton
MINISTARSTVO TRGOVINE, TURIZMA I SAOBRAĆAJA
Tuzla



Bosnia and Herzegovina
Federation of Bosnia and Herzegovina
Tuzla canton
MINISTRY OF TRADE, TOURISM AND TRANSPORT
Tuzla

Босна и Херцеговина
Федерација Босне и Херцеговине
Тузлански кантон
МИНИСТАРСТВО ТРГОВИНЕ, ТУРИЗМА И САОБРАЋАЈА
Тузла

75000 Tuzla, fra Grge Martića br. 8 ; Tel.: + 387 35 369 393 , Fax: + 387 35 369 394 ; www.vladatk.kim.ba

**Zahtjev za dodjelu bespovratnih sredstava organizatorima manifestacija
u funkciji razvoja turizma u 2013. godini**

Osnovni podaci o organizatoru manifestacije/podnositelju zahtjeva

Organizator manifestacije	
Pravni status organizatora	
Sjedište	
Telefon / telefaks	
E-mail / Internet adresa	
ID broj	
Odgovorna osoba / osoba ovlaštena za zastupanje	
Osoba za kontakt	
Poslovna banka	
Broj transakcijskog računa	

Podaci o projektu

Naziv projekta	
Mjesto realizacije manifestacije (općina/grad)	
Karakter manifestacije (međunarodni; regionalni; državni; lokalni)	
Dodatni turistički sadržaji i popratna događanja manifestacije (zabavni/kulturni/sadržaji za djecu i mlade/eno/gastro i sl.)	
Broj posjetitelja/ medijska pokrivenost (ocjena medijske pokrivenosti na turističkim tržištima te procjena broja posjetitelja i utjecaja na ukupnu posjećenost turističkoj destinaciji)	
Trajanje manifestacije (jedan, dva ili više dana)	
Sudjelovanje drugih subjekata u organizaciji i finansiranju manifestacije	
Sociokulturni učinci (doprinos kulturnom i društvenom životu mjesta)	
Ekonomsko- turistički učinci (procjena ukupnog broja posjetitelja koji su inducirani događajem-manifestacijom te procjena prosječne potrošnje posjetitelja)	

Izvori financiranja projekta	
Ukupan iznos potrebnih sredstava za realizaciju cijelog projekta	
Traženi iznos sredstava od Ministarstva trgovine, turizma i saobraćaja TK-a	
Vlastita sredstva uložena u projekt	
Subvencionirano od drugih subjekata (navesti od kojih i dobivene iznose)	

NAPOMENA:

- 1. Zahtjevu priložiti dokumentaciju definisanu u pozivu**
- 2. Nepotpuni zahtjevi i zahtjevi zaprimljeni nakon isteka roka neće se razmatrati**

Mjesto i datum

Potpis odgovorne osobe/osobe ovlaštene za
zastupanje
